


十誦律善誦毘尼序

上

三百十五
年九

49903



British Museum
Seal

十誦律善誦毗尼序卷上九

東晉三藏界摩羅叉續譯

五百比丘集滅善法

佛婆伽婆在拘尸城婆羅雙樹間力士住處
般涅槃拘尸諸力士供養佛身是時長老摩
訶迦葉將五百比丘從波婆城欲到拘尸城

二城中間介時有梵志持天曼陀羅華發拘
尸城欲詣波婆城長老摩訶迦葉問汝識我大
師不荅言識汝大師婆羅雙樹間力士住處
般涅槃今已七日諸天世人供養佛身我從
彼得此天曼陀羅華來摩訶迦葉不樂諸弟
子中有大憂愁者有舉手哭者有躡地者等

言佛趣涅槃一何駛哉世間眼滅諸比丘有
宛轉地者有心中愁感者有行捨心觀諸法
相者所謂一切無常空無我此無常相法何
可得常佛在時常說一切衆生所可樂者不
可久保皆當別離散壞磨滅尔時有一愚癡
不善不及老比丘發此惡言彼長老常言當
應行是不應行是我今快得自在所欲便作不
欲便止如是惡言唯迦葉獨聞餘無知者是
諸天神力所隱蔽故尔時閻浮提中長老阿
若憍陳如第一上座長老均陁第二上座長
老十力迦葉阿難和尚第三上座長老摩訶
迦葉第四上座摩訶迦葉多知廣識四部衆

盡皆供養信受其語四部衆聞摩訶迦葉從
波婆城來欲詣拘尸城四部衆皆出到半道
奉迎摩訶迦葉摩訶迦葉見四衆來於道外
樹下敷座師壇結跏趺坐四衆既到頭面敬
禮在一面聽其說法時大迦葉說種種法示
教利喜竟發遣四衆還至雙樹頂結支夷大
迦葉言我正尔當到莫然佛瞋我欲禮佛全身
尔時大迦葉與大衆俱到頂結支夷到已天
爲開發金棺解撒纏裏時大迦葉瞽首敬禮
佛身四部大衆亦得禮拜又告諸人言更以
天新綿氎好纏佛身以新香油灌滿金棺安
厝佛身而闔棺盖更積一切衆香雜薪以爲

大積大迦葉告諸力士汝自知時諸力士坐
即然香薪大積尔時長老阿難見積然悲惱
哽塞即說偈言

世尊此身乃至梵天 今在金棺以千疊纏
在香油中然以香薪

尔時佛積然盡大迦葉思惟言當云何滅火
即念應以牛乳滅之尔時大迦葉適生此念
四邊自然有牛乳池淨潔香好是時大迦葉
即取此乳以滅是火而說偈言

千疊纏佛身 以火耶維之 佛之神力故

常一內衣在 最外亦不燒 中者皆然盡

尔時長老摩訶迦葉以成治疊取佛舍利與

諸力士諸力士從長老摩訶迦葉取佛舍利
盛以金瓶舉著車上燒種種香持諸幡蓋作
諸伎樂入拘尸城。爾時拘尸城中有新論義
堂掃灑清淨香潔無量懸繒幡蓋散諸雜華
敷魚牙床以佛舍利金瓶著上阿難先以華
香伎樂種種供養亦教諸比丘比丘優婆
塞優婆夷供養禮拜。爾時波婆城中諸力士
聞佛在拘尸城般涅槃念言佛是我師我之
所尊來從諸人請舍利分欲於波婆城中起
塔燒香懸繒幡蓋盡出供養拘尸城諸力士
荅言佛在我國般涅槃我自起塔香華供養
舍利分不可得時遮勒國諸刹帝利姓婆蹉

娑婆羅羅摩聚落拘樓羅種毗菟國中諸婆
羅門毗耶離國諸利昌種迦毗羅婆國諸釋
子摩伽陁國主阿闍世王韋提希子聞佛於拘
尸城般涅槃今衆人以香華供養舍利卽時
阿闍世王勅其大臣婆羅門婆利沙迦羅言
汝往到拘尸城諸力士所持我言致問無量
氣力安隱身心樂不又語諸人佛亦我師我
之所尊今於汝國般涅槃請分舍利欲於王
舍城中起塔供養與我者善若不見與當舉
兵衆以力奪汝受勅卽嚴四種兵直至拘尸
城語諸力士言摩伽陁國主阿闍世王致問
無量氣力安隱身心樂不又言佛亦我師我

之所尊在此般涅槃來請舍利分汝當與我
我於王舍城起塔供養拘尸城諸力士荅大
臣婆羅門言佛在我國土地般涅槃我自於
此拘尸城起塔供養舍利分不得與汝大臣
婆羅門言摩伽陀國主阿闍世王語汝汝等
以舍利與我者善若不見與當舉四兵以力
棄汝諸力士言我自供養不以與汝波婆城
力士亦集四兵在一面住羅婆聚落拘婆羅
亦集四兵在一面住遮勒國諸刹帝利亦集
四兵在一面住毗菟國諸婆羅門亦集四兵在一
面住毗耶離國諸刹帝利亦集四兵在一面住迦
毗羅婆諸釋子亦集四兵在一面住婆羅沙迦

羅婆羅門更增四兵拘尸城一面任尔時拘尸城外八軍圍遶為舍利故各欲奪取尔時大衆中有一婆羅門姓烟在八軍中高聲大唱拘尸城諸力士主聽佛無量劫積善修忍諸君亦常聞讚忍法今日何可於佛滅後為舍利故起兵相奪諸君當知此非敬事舍利現在但當分作八分諸力士言敬如來議尔時姓烟婆羅門即分舍利作八分分竟復高聲大唱汝諸力士主聽盛舍利瓶請以見惠欲還頭那羅聚落起瓶塔華香幡蓋伎樂供養諸力士荅言敬從來請尔時必波羅延那婆羅門居士以復高聲大唱拘尸城中諸力

士主聽燒佛處炭與我欲還我國起炭塔華
香伎樂供養諸力士荅婆羅門敬從來請介
時拘尸城諸力士得第一分舍利即於國中
起塔華香伎樂種種供養波婆國得第二分
舍利還歸起塔種種供養羅摩聚落拘樓羅
得第三分舍利還歸起塔種種供養遮勒國
諸刹帝利得第四分舍利還國起塔種種供
養毗菟諸婆羅門得第五分舍利還國起塔
種種供養毗耶離國諸利昌種得第六分舍
利還國起塔種種供養迦毗羅婆國諸釋子
得第七分舍利還國起塔華香供養摩伽陀
國主阿闍世王得第八分舍利還王舍城起

塔華香供養姓烟婆羅門得盛舍利瓶還頭
那羅聚落起塔華香供養必波羅延那婆羅
門居士得炭還國起塔供養尔時閻浮提中
八舍利塔第九瓶塔第十炭塔佛初般涅槃
後起十塔自是以後起無量塔

尔時長老摩訶迦葉知佛舍利流布十方白
衣起塔以是因緣故會僧會僧竟語諸比丘
我昔時從波婆城將五百比丘向拘尸城於
二城間見一梵志持天曼陁羅華從拘尸城
來欲詣波婆城我問梵志言憂婆伽從何所
來欲至何所梵志荅言我從拘尸城來欲到
波婆城問識我大師不梵志荅言識汝大師

婆羅雙樹間般涅槃今已七日諸天世尊俱
養舍利我從彼得此天曼陁羅華我今時心
不樂作是言佛趣涅槃一何駛哉世間眼滅
諸比丘中有大憂愁者有舉手哭者有躄地
者皆言佛趣涅槃一何駛哉世間眼滅諸比
丘有宛轉地者有愁感者有行捨心觀諸法
相者一切無常苦空無我此無常法相何可
得常佛在時自言一切衆生所可樂者難得
久保皆當別離散壞摩滅今時有一頑愚不
善不及老比丘出惡口言彼長老常言應當
行是不應行是我今得自在所欲便作不欲
便止是愚癡比丘作是語時唯我獨聞餘無

知者是諸天神力之所隱蔽復有一比丘在
我前說法言非法非法言法善言不善不善
言善我等今當集一切脩妬路一切毗尼一
切阿毗曇摩訶迦葉自思惟我當僧中集一
切修妬路一切毗尼一切阿毗曇或有無知
比丘作如是言不應如是集一切修妬路十
切毗尼一切阿毗曇我等今當於僧中擇取
聰明能集法人僧中作羯磨取尔時長老摩
訶迦葉僧中取五百少一比丘一一稱字是
諸比丘皆讀三藏得三明滅三毒皆得共解
脫摩訶迦葉僧中唱大德僧聽是五百少一
比丘稱名字皆讀三藏得三明滅三毒皆得

共解脫若僧時到僧忍聽是五百少一比丘
皆是集法人如是白介時長老阿難在僧中
長老迦葉思惟是阿難好善學人佛說阿
難於多聞人中最第一我等今當使阿難作
集法人長老迦葉思惟已僧中唱大德僧
聽是阿難好善學人佛說阿難多聞人中最
第一若僧時到僧忍聽我等今當使阿難作
集法人如是白大德僧聽是阿難好善學人
佛說阿難於多聞人中最第一我等今當使
阿難作集法人誰長老忍阿難作集法人者
默然誰不忍是長老說僧已聽長老阿難作
集法人竟僧忍默然故是事如是持長老

迦葉復思惟今集一切修妬路一切毗尼一
切阿毗曇是事多非一日二日乃至七日可
竟今僧中當作羯磨能作集法人共一處安
居不作羯磨人不得共一處安居如是思惟
竟長老摩訶迦葉僧中唱大德僧聽今集法
多非一日二日乃至七日可竟今僧中作羯
磨能集法人共一處安居不作羯磨人不得
共一處安居如是白尔時長老摩訶迦葉復
作是念何處國土安隱有好精舍四事供養
飲食無乏無諸竅賊即念王舍城中四事供
養具足無乏國土安隱無諸賊竅我等今當
往到王舍城安居如是思惟已摩訶迦葉獨

身先往治精舍泥塗壁孔治土埵敷床灑掃
抖擻被褥教備藥草具飲食衣被摩訶迦葉知
安居時到共五百比丘王舍城安居摩訶迦
葉清且著衣持鉢入王舍城教化諸人持飲食
供養集法人教已摩訶迦葉自次第乞食竟
出城還至精舍以是因緣會僧會僧已思惟
何等比丘能誦毗尼明了我等難問能隨問
答當從此人集毗尼即念優波離比丘佛常
讚誦毗尼比丘中明了第一念已白僧佛常
讚優波離比丘於誦毗尼比丘中明了第一
優波離比丘我等問難能隨問答爾時摩訶
迦葉爲法敷座優波離比丘昇高座坐竟摩訶

迦葉問優波離初波羅夷罪因緣從何處出
優波離荅言波羅夷罪初從毗耶離國須提
那比丘迦蘭陁子出是中云何犯云何不犯
尔時優波離廣說犯不犯相摩訶迦葉問阿
若憍陳如尔不荅言尔如優波離所說摩訶
迦葉問阿若憍陳如竟次問長老均陁次問
十力迦葉次問第五百阿羅漢乃至阿難阿
難荅言我如是聞是事是法是善如長老優
波離所說阿難問摩訶迦葉尔不荅言尔是
中長老摩訶迦葉僧中高聲大唱大德聽僧
初波羅夷法集竟是法是毗尼是佛教無有
比丘言是法言非法非法言是法是毗尼言

非毗尼非毗尼言是毗尼是法是毗尼是佛
教僧忍默然故是事如是持摩訶迦葉復問
長老優波離第二波羅夷因緣從何處出優
波離荅王舍城中爲達尼迦比丘瓦師子第
三波羅夷因緣何處出優波離荅跋耆國中
爲婆求摩題河邊住諸比丘第四波羅夷因
緣何處出荅爲毗耶離國爲婆求摩題河邊
住諸比丘第一僧伽婆尸沙因緣罪何處出
荅爲舍婆提國中迦留陁夷比丘第二第三
第四皆爲舍婆提國迦留陁夷比丘第五僧
伽婆尸沙因緣何處出爲舍婆提國中迦羅
比丘彌梨迦子摩訶迦葉復問云何犯云何

不犯優波離廣說犯不犯相摩訶迦葉問優
波離竟次問阿若憍陳如尔不阿若憍陳如
荅言長老迦葉我亦如是知如優波離所說
次問長老均陀次問十力迦葉次第問五百
羅漢乃至阿難阿難荅言長老迦葉我亦
如是知如長老優波離所說阿難問摩訶迦
葉如優波離所說不荅言阿難我亦如是知
如優波離所說如是作一切毗尼集竟尔時
長老迦葉僧中高聲大唱大德僧聽如是
一切毗尼法集竟是法是毗尼是佛教無有比
丘言是法言非法非法言是法是毗尼言非
毗尼非毗尼言是毗尼是法是毗尼是佛教

僧忍默然故是事如是持長老摩訶迦葉思
惟何等比丘誦修妬路阿毗曇曇明了我等難
問能隨問答我等當從此人集修妬路阿毗
曇即時作是念佛讚阿難比丘於諸多聞比
丘中最第一持一切修妬路一切阿毗曇迦葉
思惟竟僧中唱大德僧聽是阿難比丘好善
學人佛常讚阿難比丘於諸多聞中最第一
我等從是人了了聞修妬路阿毗曇集如是
白尔時摩訶迦葉敷好高座阿難昇高座竟
摩訶迦葉問阿難佛修妬路初從何處說阿
難答如是我聞一時佛在波羅奈仙人住處
鹿林中阿難說此語時五百比丘皆下地胡

跪涕零而言我從佛所面聞見法而今已聞
摩訶迦葉語阿難從今日一切修妬路一切
毗尼一切阿毗曇初皆稱如是我聞一時阿
難言亦是時佛告五比丘是苦聖諦我先不從
他聞法中正憶念時於諸法中生眼生智生
明生覺是集聖諦是盡聖諦是道聖諦我先
不從他聞法中正憶念時於諸法中生眼生
智生明生覺諸比丘是苦聖諦知故應知我
先不從他聞法中正憶念時於諸法中生眼
生智生明生覺是苦集聖諦知已應斷是苦
滅聖諦知已應證是苦滅道聖諦知已應修
我先不從他聞法中正憶念時於諸法中生

眼生智生明生覺諸比丘是苦聖諦知故知
已我先不從他聞法中正憶念時於諸法中
生眼生智生明生覺是苦集聖諦知故斷已
是苦滅聖諦知故證已 是苦滅道諦知故修
已我先不從他聞法中正憶念時於諸法中生
眼生智生明生覺諸比丘若我隨尔許時四
聖諦中三轉十二分轉法輪行不生眼智明
覺我於一切世間若魔若梵及沙門婆羅門
天人等衆中不得解不得離不得捨亦不得
顛倒心是時我亦不作是念得阿耨多羅三
藐三菩提若我若尔許時四聖諦中三轉十
二分轉法輪行生眼智明覺我於一切世間

若魔若梵及沙門婆羅門天人等衆中得解
離得捨得不顛倒心是時我作是念得阿耨
多羅三藐三菩提說是法時長老憍陳如及
八方諸天遠塵離垢諸法中法眼生今時佛
告憍陳如得法已不憍陳如言得已世尊憍陳
如得法已不憍陳如言得已世尊憍陳如得法
已不憍陳如言得已婆伽婆憍陳如得已以
初得故故名阿若憍陳如阿若憍陳如得法
已是時地神高聲大聲唱言諸衆生佛在波羅
柰國仙人住處鹿林中三轉十二分轉法輪
諸餘沙門若婆羅門若天若魔若梵如是等
一切世間中不能如法轉爲饒益衆生故安

樂多衆生憐愍世間故利益安樂諸天人增
益諸天種減損阿脩羅衆虛空中神聞地神
唱聲已亦高聲大聲唱佛轉法輪四天王聞
虛空神唱亦高聲大聲唱三十三天夜摩天
兜率陀天化樂天他化自在天即時唱聲乃
到梵天處皆高聲大聲唱言諸衆生佛在波
羅柰國仙人住處鹿林中三轉十二行法輪諸
餘沙門若婆羅門若天若魔若梵如是等一
切世間中不能如法轉爲饒益多衆生故安
樂多衆生憐愍世間故利益安樂諸天人增
益諸天種減損阿脩羅衆佛在波羅柰國仙
人住處鹿林中三轉十二行法輪已是故是

經名轉法輪經大迦葉問阿若憍陳如阿難
所說亦不荅言亦長老。大迦葉我亦如是知
如阿難所說。次問長老。均陀。次問十力迦葉
乃至次第問五百阿羅漢。末後問優波離。如
阿難所說。不荅言。亦長老。優波離。問摩訶迦
葉。如阿難所說。不荅言。長老。優波離。我亦如
是。知。如阿難所說。如是。展轉問已。一切修妬
路藏集已。亦時摩訶迦葉僧中大唱大德。僧
聽一切修妬路集。竟。是法。是毗尼。是佛教。無
有比丘言。是法言。非法。非法言。是法。是毗尼
言。非毗尼。非毗尼言。是毗尼。是法。是毗尼。是
佛教。僧忍默然。故是事。如是持長老摩訶迦

葉復問阿難佛何處始說阿毗曇阿難答言
如是我聞一時佛在舍婆提介時佛告諸比
丘若人五怖五罪五怨五滅是人五怖罪怨
滅故死後譬如力士屈伸臂頃墮於地獄何等
五一者殺二者偷三者邪淫四者妄語五者
飲酒若人五怖五罪五怨五滅是人五怖罪怨
滅故死後譬如力士屈伸臂頃生於天上何
等五一者不殺怖罪怨滅不偷不邪淫不妄
語不飲酒亦如是怖罪怨滅長老摩訶迦葉
問阿若憍陳如阿難所說不荅言大迦葉
我亦如是知如阿難所說次問長老均陀次
問十力迦葉乃至次第問五百阿羅漢末後

問優波離如阿難所說不荅言長老迦葉
我亦如是知如阿難所說長老優波離問摩
訶迦葉不荅言實尔如是是一切阿毗曇集
已尔時摩訶迦葉僧中大唱大德僧聽一切
阿毗曇集竟是法是毗尼是佛教無有比丘
言是法言非法非法言是法是毗尼言非毗
尼非毗尼言是毗尼是法是毗尼是佛教僧
忍默然故是事如是持尔時一切修妬路一
切阿毗曇一切毗尼集竟長老阿難偏袒右
肩長跪叉手白大德摩訶迦葉我面從佛聞
受是語佛言我般泥洹後若僧一心和合籌
量放捨微細戒摩訶迦葉荅阿難汝從佛聞

不何名微細戒一心和合放捨阿難荅大德
不問迦葉言汝應當了了問何名微細戒僧
一心和合而放捨此戒長老阿難汝若不問
佛汝得突吉羅罪是罪汝當如法懺悔莫覆
藏阿難荅言我不輕戒故不問是時佛欲滅
度我心愁悶故不問摩訶迦葉語阿難佛三語
汝闍浮提地種種事樂壽命最使若有修四
如意足能任壽一劫若滅一劫阿難佛四如意
足善修若欲任壽一劫若滅一劫自在能住汝何
以不請佛久住以是事故汝得突吉羅罪是
罪汝當如法懺悔莫覆藏阿難荅言我非輕戒
非不敬佛故不請久住是時魔蔽我心不自

覺知是故不即請佛久住摩訶迦葉復語阿
難汝以足躡佛衣得突吉羅罪是罪如法懺
悔阿難荅言我不輕戒非不敬佛是時大風
卒起更無餘人我褰佛衣以是故足躡

摩訶迦葉復語阿難佛語汝迦拘陁河取一鉢
水汝言迦拘陁河水濁未清不即取水以是

事故汝得突吉羅罪是罪如法悔過阿難荅
言我不輕戒非不敬佛時五百乘車渡河未久
水濁未清以是故不即取水與佛摩訶迦葉復
語阿難佛不聽女人出家汝乃至三請令女
人出家以是事故得突吉羅罪是罪如法悔
過阿難荅言我不輕戒非不敬佛但以過去

諸佛皆有四衆今我世尊云何獨無四衆是
故乃至三請摩訶迦葉復語阿難佛滅度後
汝何以出佛陰蔽相以示女人以是事故汝
得突吉羅罪是罪如法悔過阿難荅言是女
人福德淺薄欲得見佛相見已厭離女身後
得男形以是故示。

尔時大迦葉令長老阿難六突吉羅罪僧中
悔過長老摩訶迦葉集僧言我等不聽放捨
微細戒何以故外道異學若聞是事便言弟
子聰明所以者何師結戒弟子放捨以是故
我等一心會集籌量不聽捨微細戒外道異
學有如是言大師在時釋子沙門皆具持戒

師滅度後不能具持戒便還放捨釋子法滅不
久譬如然火烟出火滅烟止以是事故我等
一心集會籌量不聽捨微細戒若我等聽放捨
微細戒諸比丘不知何者是微細戒如是言
微細戒非獨是突吉羅更有四波羅提提舍
尼亦名微細戒以是故我等不聽捨微細戒
若我等一心會集聽捨微細戒者或有比丘
不知何者是微細戒作如是言非獨突吉羅
四波羅提提舍尼九十波夜提亦名微細戒
以是故我等一心會不聽放捨微細戒若我
等一心會集聽捨微細戒者或有諸比丘不知
何者是微細戒作如是言非獨突吉羅四波羅

提提舍及九十波夜提是微細戒三十及薩
耆波夜提亦名微細戒以是故我等不聽捨
微細戒若我等一心會集聽捨微細戒者或有
諸比丘不知何者是微細戒作如是言非獨
突吉羅四波羅提提舍及九十波夜提三十
及薩耆波夜提二不定法亦名微細戒以是
故我等不聽捨微細戒若我等一心集會籌
量聽捨微細戒者或有比丘不知何者是微
細戒如是言微細戒非獨是突吉羅四波羅
提提舍及九十波夜提三十及薩耆波夜提
二不定法十三僧伽婆尸沙亦名微細戒以
是故我等不聽捨微細戒若我等一心集會

籌量聽捨微細戒者或有比丘但受持四戒作
如是言餘殘戒放捨以是故我等一心會集
籌量不聽捨微細戒我等隨佛結戒若佛結戒
一切受持佛經中說摩伽陀國中大臣婆羅
沙迦羅婆婆羅門因緣士不滅法中若諸比
丘佛不結戒不結已結戒不捨如說戒受持諸比
丘善法增益不滅以是故我等盡當受持不

應放捨

三藏集
法品竟

七百比丘結集滅惡法第二

佛般涅槃後一百一十歲毗耶離國十事出
是十事非法非善遠離佛法不入修妬路不入
毗尼亦破法相是十事毗耶離國諸比丘用

是法行是法言是法清淨如是受持何等事
事一者鹽淨二者指淨三者近聚落淨四者
生和合淨五者如是淨六者證知淨七者貧
住處淨八者行法淨九者縷邊不益及師壇
淨十者金銀寶物淨毗耶離諸比丘又持憍
薩羅國大金鉢出憍薩羅國入毗耶離國次第乞
錢隨多少皆著鉢中時人或以萬錢或千百
五十乃至以一錢著鉢中是時有長老耶舍
陁迦蘭提子毗耶離住得三明持三藏法修
妬路毗尼阿毗曇耶舍陁是長老阿難弟子
耶舍陁聞毗耶離國十事出已非法非善遠
離佛法不入修妬路不入毗尼亦破法相是

十事毗耶離國諸比丘用是法行是法言是法清淨如是受持何等十一者鹽淨乃至金銀寶物淨毗耶離國諸比丘又持憍薩羅大金鉢出憍薩羅國入毗耶離國次第乞錢隨多少皆著金鉢中時人或以萬錢千百五十一錢著鉢中長老耶舍陁聞是事已遣使詣毗耶離諸白衣所語言沙門釋子不應乞金銀寶物畜佛種種因緣為磨及周羅聚落主說法從今日比丘須薪乞薪須草乞草須乘借乘須作人借作人沙門釋子是中佛不聽乞金銀寶物畜毗耶離國諸比丘聞耶舍陁遣使詣毗耶離諸白衣所言沙門釋子不應

乞金銀寶物畜佛種種因緣爲摩戾周羅聚
落主說法從今日諸比丘須薪乞薪須草乞
草須乘借乘須作人借作人沙門釋子佛不
聽乞金銀寶物畜聞已集會所有金銀寶物
當分是中有比丘自取分持出或使沙弥白
衣持去或著床上持去或著鞞中持去或衣裏
持去或遣使持分與耶舍陁耶舍陁即還遣使
此不淨物何以教我受沙門釋子不應受此
不淨物佛種種因緣說法從今日比丘須薪
草應乞須車乘作人應借金銀寶物不聽受
畜毗耶離比丘憍惟言耶舍陁於諸白衣前出
我等罪我等當與耶舍陁作下意羯磨今向毗耶

離諸白衣懺悔思惟已集僧與耶舍陀作下意
羯磨令向毗耶離諸白衣懺悔耶舍陀聞毗耶
離諸比丘作下意羯磨令向毗耶離諸白衣
懺悔聞已如是思惟我向諸白衣懺悔時能
事事說法使諸白衣得信言佛種種因緣為
摩尼周羅聚落主說因緣乃至沙門釋子不
應乞金銀寶物畜余時耶舍陀明日食時著
衣持鉢入毗耶離城乞食乞食已到毗耶離諸
白衣所懺悔時事事說法使諸白衣得信言
佛種種因緣為摩尼周羅說比丘須薪草應
乞車乘作人應借不應乞金銀寶物畜如是
長老耶舍陀事事說法諸白衣即得信解知沙

門釋子不應乞金銀寶物畜毗耶離諸比丘
聞長老耶舍向毗耶離白衣懺悔時事說
法使白衣信解知佛種種因緣說比丘須薪草
應乞車乘作人應借不應乞金銀寶物畜聞
已如是思惟我等不應令耶舍隨是中住今
當作出羯磨汝不應毗耶離住如是思惟已
集僧與耶舍隨作出羯磨不得毗耶離住長老
耶舍隨聞毗耶離諸比丘作出羯磨不得住
毗耶離聞已還房付授卧具持衣鉢發毗耶
離去未遠自念我於毗耶離諸比丘邊得脫
是諸比丘畜金銀寶物多欲多求惡法成就
耶舍隨住憍薩羅國夏安居尔時長老三菩

伽住摩偷羅國僧伽遮僧伽藍精舍阿波大
羅林中烏頭婆羅樹下是三菩伽持三藏得
三明有名稱大阿羅漢長老阿難弟子長老
耶舍聞長老三菩伽住摩偷羅國僧伽遮僧
伽藍阿波大羅林中烏頭波羅樹下持三藏
得三明有名稱大阿羅漢聞已遣使詣三

伽言長老知不毗耶離國有十事出非法
善遠離佛法不入修妬路不入毗尼亦破法
相毗耶離諸比丘用是法行是法言法清淨
如是受持何等十一者鹽淨二指淨三者近
聚落淨四者生和合淨五者如是淨六者證
知淨七者貧住處淨八者行法淨九者縷邊

不益尼師壇淨十者金銀寶物淨毗耶離國
諸比丘又持憍薩羅大金鉢出憍薩羅國入
毗耶離國乞錢次第乞隨多少皆著鉢中或
萬錢千百五十乃至一錢諸長老比丘應集
會是諸惡法當滅今若不滅後將大長老三
菩伽聞是事已即遣使詣達嚩那國阿槃提
國如是諸國皆遣使詣言汝知不毗耶離國
十事出何等十一者鹽淨乃至金銀寶物淨
是諸惡法今不滅後必將大尔時達嚩那國阿
槃提國等諸比丘即集會毗耶離是時長老
梨婆多住薩寒若國持三藏得三明有名稱
大阿羅漢好行四無量心是長老阿難弟子

長老三菩伽聞長老梨波多任薩寒若國持
三藏得三明有名稱大阿羅漢好行四無量
心聞已長老三菩伽如是思惟我等以何長
老爲上座當求是長老爲上座攝諸比丘作
是思惟已我等當求長老梨波多爲諸比丘
說實法尔時長老三菩伽會諸比丘從白衣
索四事供養索已乘船至薩寒若國到長老
梨波多所長老梨波多遙見三菩伽來善心
起迎問訊道路疲不代持衣鉢示房舍語三菩
伽等諸比丘是汝床檣被褥卧具若上座爲
辦浴具澡豆灰麻油薪是時梨波多與三菩
伽共一房宿夜多坐禪至天明時長老梨波

多語三菩伽我供養客法作竟汝從出家法
長老三菩伽聞道語竟食時著衣持鉢入薩
寒若城乞食乞食竟食後還梨婆多所頭面
禮足

尔時長老三菩伽思惟是梨婆多大法師或
能難問我阿毗曇我或不疾解我今當先問
梨婆多毗耶離比丘卜事即合手問鹽淨應
受不梨婆多還問三菩伽云何名鹽淨大德
梨婆多毗耶離諸比丘鹽舉殘宿者淨食中
噉言是事淨我問長老實淨不梨婆多荅不
淨不應食若食得何罪荅得突吉羅罪三菩
伽又問佛何處結戒是事不應食荅舍婆提

毗尼藥法中說三菩伽問大德梨婆多應受
二指淨不還問云何名二指淨荅言毗耶離
諸比丘食竟從坐起不受殘食法兩指抄食
噉言是事淨我問長老實淨不梨婆多荅不
淨不淨得何罪荅得波夜提罪又問佛何處
結戒是事不應行荅毗耶離國為不受殘食
法故結戒三菩伽言大德梨婆多近聚落淨
實淨不還問云何名近聚落淨荅言毗耶離
諸比丘近聚落邊得食不受殘食法噉言是
事淨我問長老實淨不梨婆多荅不淨不淨
得何罪荅得波夜提罪又問佛何處說是事
不應行荅毗耶離國佛為不受殘食法結戒

三善伽言大德梨婆多應受生和合淨實淨
不還問云何名生和合淨荅言毗耶離諸比
丘食竟從坐起不受殘食法乳酪蘇共和合
而噉言是事淨我問長老實淨不荅不淨不
淨得何罪荅得波逸提罪又問佛何處結戒
是事不應行荅毗耶離佛為不受殘食法結
戒三善伽言大德梨婆多如是淨實淨不梨
婆多還問云何名如是淨荅毗耶離諸比丘
內界共住處別作羯磨竟入僧中唱言彼住
處作羯磨長老是事淨今我問是實淨不荅
不淨不淨得何罪荅得突吉羅罪又問佛何
處結戒荅占波國毗尼行法中三善伽言大

德梨婆多證知淨實淨不梨婆多還問云何
名證知淨荅毗耶離諸比丘各各住處作
如法羯磨竟入僧中白我等處作羯磨諸僧
證知言是事證知淨今我問長老實淨不荅
不淨不淨得何罪荅得突吉羅罪又問佛何
處結戒荅瞻波國毗尼行法中三善伽言大
德梨婆多貧住處淨實淨不梨婆多還問云何
貧住處淨荅毗耶離諸比丘言我等住處貧
作酒飲言是貧住處淨實淨不荅不淨不淨
得何罪荅得波逸提罪又問佛何處結戒荅
婆提國毘陀婆地城爲長老婆伽多阿羅漢
結戒不得飲酒三善伽言大德梨婆多行法淨

實淨不梨婆多。答有行法淨行亦淨。不行亦淨。
有行法不淨行亦不淨。不行亦不淨。何等行法不淨。
行亦不淨。不行亦不淨。答殺罪行亦不淨。不行
亦不淨。偷邪婬妄語兩舌惡口綺語慳貪瞋
恚邪見行亦不淨。不行亦不淨。是爲行法不淨行。
亦不淨。不行亦不淨。何等行法淨行亦淨。不行
亦淨。答不殺不偷不邪婬不妄語兩舌惡口
綺語慳貪瞋恚邪見。是爲行法淨行亦淨。不行
亦淨。三菩伽言大德梨婆多。不益縷邊尼師壇。答
壇淨實淨。不還問云。何不益縷邊尼師壇。答
毗耶離諸比丘。作不益縷邊尼師壇。是事淨。
爲淨。不答不淨。問不淨。得何罪。答得波逸提。

罪又問佛何處結戒。答舍婆提國佛爲長老迦留陁夷聽縷邊益一磔手尼師壇結戒。三菩伽言大德梨婆多金銀寶物淨實淨不還。問云何金銀寶物淨。答毗耶離諸比丘取金銀寶物。又問是淨實淨不。答不淨不淨。得何罪。答得波夜提罪。佛何處結戒。答毗耶離佛爲跋難陁結戒。不得取金銀寶物。三菩伽言善哉善哉。大德梨婆多善說十事。三菩伽言此諸比丘當云何梨婆多。答當共勤方便。滅是不善法。

尔時長老沙羅住毗耶離國持三藏得三。明有名稱大阿羅漢。是長老阿難弟子。如是思

惟我所學知皆從和尚口受誦我當分別觀
察客比丘毗耶離比丘如是思惟已著衣持
鉢入城乞食食後向娑羅樹林間入樹林已
於一樹下敷尼師壇坐觀所誦法知誰是爲
毗耶離比丘是爲客比丘是如是觀已知毗
耶離比丘不是知阿槃提達嚩那波多國諸
客比丘是是樹林中有神天合手向娑羅言
如是如是諸長老是毗耶離比丘非法語諸
客比丘是法語大德娑羅汝欲作何等答當
勤方便滅是不善法毗耶離諸比丘聞阿槃
提達嚩那波多國諸客比丘勤方便欲滅是
事聞已如是思惟我等當請何等上座爲好

上座故多比丘來上座梨婆多我等當請爲
是上座故諸比丘當來集如是思惟竟毗耶
離諸比丘著衣持鉢詣薩韓若國到已見長
老梨婆多以同阿槃提達嚩那婆多國諸比
丘見已如是思惟長老梨婆多以同彼復作
是念諸上座弟子我等今當軟語令請是上座
當用弟子語毗耶離諸比丘到上座弟子所
與衣鉢戶鈎革屣與三種藥盡與竟諸上座
弟子即覺問是上供養何以故與我毗耶離
諸比丘荅當語汝師毗耶離比丘是有法語
阿槃提達嚩那婆多國諸比丘不是法語一
切諸佛皆出東方長老上座莫與毗耶離中

國比丘鬪諍諸上座弟子荅此是小事我經
營之汝等當受我恩諸弟子即到上座梨婆
多所言阿槃提達嚩那婆多國諸比丘非法
非善言一切諸佛皆出東方長老上座莫與
毗耶離中國比丘鬪諍梨婆多語弟子汝愚
癡人我自知見毗耶離諸比丘非法非善阿
槃提達嚩那波多國諸比丘實是法是善語
汝愚癡人云何教我非法非善非佛語汝去
莫來我乃至死不用見汝是時長老梨婆多
語三菩伽此事是間可滅或有不智人言此
事不可是間滅本從何處出應還至本處滅
尔時長老梨婆多三菩伽及阿槃提達嚩那

婆多國諸比丘隨意多少往薩韓若國持衣鉢向毗耶離國次第行到毗耶離毗耶離國比丘亦持衣鉢向毗耶離城次第行到是時長老薩波伽羅鉢婆羅上座住毗耶離持三藏得三明有名稱大阿羅漢好行空三昧是長老阿難弟子長老梨婆多到薩婆伽羅鉢婆羅波梨婆羅上座所是上座遙見梨婆多來歡喜問訊長老具醯善來具醯久不相見具醯到已共坐諸上座有如是法若客比丘來共一處宿告給事汝爲客比丘敷卧具給事如是思惟上座如是約勅我與客比丘敷床卧具上座必與客比丘一房宿給事受教已即

向上座房與客比丘敷床卧具弟子受勅與
客比丘敷床卧具竟還白上座言與客比丘
敷床卧具已上座自知時上座即從坐起向
房舍自卧處敷尼師壇結跏趺坐長老梨婆
多亦向上座房入已頭面禮上座足卧具上
敷尼師壇結跏趺坐薩婆伽羅婆梨婆羅上
座如是思惟長老梨婆多客來道路疲極客
比丘未卧我不應先卧客比丘卧竟我乃應
卧長老梨婆多亦思惟今僧中第一上座未
卧我不應先卧上座卧竟尔乃我卧是夜二
人俱坐禪後夜長老第一上座問長老梨婆
多汝何以不卧荅我如是思惟長老是僧中

第一上座未卧我不應先卧上座卧竟尔乃
我卧上座問梨婆多是夜心入何等三昧荅
我多行慈三昧上座言汝長老具醯此是小
三昧行汝夜行小三昧行梨婆多荅此實小
三昧行我阿羅漢一切漏盡是行長夜喜念
以是故常行是三昧行問上座何以不卧上座
荅我亦思惟汝道路行極未卧我不應先卧汝
卧竟我乃應卧問上座是夜入何等三昧上
座荅多行空三昧梨婆多言此是上三昧行
汝夜行上三昧行上座荅此實上三昧行我
阿羅漢一切漏盡是行長夜喜念以是故常
行是三昧是二善人俱得阿羅漢道出所行

法長老三菩伽是夜過已向第一上坐頭面
禮足一面坐上座問三菩伽是事云何欲滅
荅長老一切僧中上座當知是事云何滅汝
三菩伽今日食後會一切僧三菩伽受上座
語竟食時著衣持鉢入毗耶離城乞食食後
一處集僧是時毗耶離國少一比丘不滿七
百集會為滅是非法非善非佛語惡事滅故
是時有長老名富闍蘇彌羅在婆羅梨弗國住
持三藏得三明有名稱大阿羅漢喜用天眼
是長老阿難弟子以天眼遙見少一比丘不
滿七百在毗耶離國集為滅非法非善非佛
語惡事故即入三昧如力士屈伸臂頃於彼

羅梨弗國沒毗耳離國僧在處門下出住是寫

閣蘇弥羅出三昧說偈索開門

婆羅梨弗國 諸舊比丘中 持律多聞人

婆羅梨弗國 以斷諸狐疑 今從彼間來

在此門下立 諸舊比丘中 持律多聞人

調御六情根 今從彼間來 在此門下立

婆羅梨弗國 諸舊比丘中 持律多聞人

富閣蘇弥羅 今從彼間來 在此門下立

十誦律毗尼序卷上九

廿

躡地上益反 駛二使史音 積子智反 撒直列 安厝下反

哽塞上猛反 蹉古反 蹉古反 菟如疾反 殺賊上侯反 弟上反 零上反

體躡

反

輒

躡

音

然

反

躡

反

躡

反

躡

反

躡

反

蒲末

躡

反

躡

反

躡

反

躡

反

躡

反

躡

反

躡

反

躡

反



